

Cyfarfod Partneriaeth y Barri
28 Mai 2025, 3.00pm – 5.00pm
Ystafell Porthceri, Swyddfeydd Dinesig, Cyngor Bro Morgannwg

Yn Bresennol

David Stevens, Cadeirydd (DS)
Y Cynghorydd Lis Burnett (LB)
Shirley Hodges (SH)
Y Cynghorydd Bronwen Brooks (BB)
Matt Blumberg (MBg)
Kanishka Narayan (KN)

Ymddiheuriadau

Prif Uwch-arolygydd Marc Attwell
Y Cynghorydd Bronwen Brooks
Fay Blakeley
Sarah Cutting

Yn bresennol

(Cyngor Bro Morgannwg) Rob Thomas, rhan (DRT), Phil Chappell (PC), Mererid Velios (MV), Finlay Crawford (FC), Marcus Goldsworth (MG), Matt Bowmer (MB)

1. Croeso ac Ymddiheuriadau am Absenoldeb

Agorodd y Cadeirydd y cyfarfod a chroesawodd y mynychwyr. Nodwyd yr ymddiheuriadau am absenoldeb.

2. Nodiadau o'r cyfarfod diwethaf:

Cymeradwywyd cofnodion y cyfarfod blaenorol heb unrhyw newid.

3. Aliniad y Cynllun Creu Lleoedd â Phartneriaeth y Barri:

Cafwyd cyflwyniad ar Gynllun Creu Lleoedd y Barri a'i berthynas â'r Cynllun ar gyfer Cymdogaethau sy'n cael ei ddatblygu. Trafodwyd y pedair thema ofodol sy'n dod i'r amlwg o'r cynllun creu lleoedd:

- **Ail-ffocysu canol y dref** - Pwyslais ar adfer canol y dref fel canolfan ddinesig a diwylliannol. Byddai hyn yn cyd-fynd â dau o'r is-grwpiau posibl, Barri Fywiog a Barri Ddiogelach.
- **Adfywio Ynys y Barri** – Mae'r potensial ar gyfer datblygu yn ategu nifer o themâu – Barri Fywiog, Barri o Gymunedau Balch a Barri i Bobl Ifanc.
- **Integreiddio Cymunedau** - Thema drawsbynciol sy'n mynd i'r afael ag anghydraddoldeb a llesiant mewn ardaloedd penodol o'r Barri. Yn cyd-fynd â'r Barri o Gymunedau Balch a'r Barri i Bobl Ifanc.
- **Cysylltu cyrchfannau** - Wedi'i amlygu fel nodwedd llai amlwg yn y Cynllun ar gyfer Cymdogaethau ond yn dal i fod yn berthnasol i ddiogelwch a hygyrchedd lleol.

Nododd sawl mynychwr fod y themâu o fewn y Cynllun Creu Lleoedd yn cyd-fynd yn agos ag amcanion Partneriaeth y Barri, ond roedd pryder y gallai hyn greu dryswch ynglŷn â'r hyn sydd eisoes wedi'i ariannu neu wedi ymrwymo iddo. Rhoddwyd eglurhad bod y Cynllun Creu Lleoedd yn cynnwys cymysgedd o brosiectau "enillion cyflym" gyda chyllid yn ei le, a dyheadau tymor hwy sy'n dal i fod yn amodol ar gyllid a datblygu partneriaethau.

Gwnaed awgrymiadau i sicrhau bod digwyddiadau a gweithgareddau cymunedol yn cael eu cydnabod yn benodol o fewn strwythur is-grwpiau'r Bartneriaeth. Tynnwyd sylw hefyd at y ffaith

bod costau, gofod, a chydymffurfiaeth â rheoliadau diogelwch yn rhwystrau i ddiwyddiadau ar raddfa lai ac mae angen eu ffactora i gynllunio yn y dyfodol.

4. Dyraniadau cyllid meithrin gallu:

Rhoddwyd y wybodaeth ddiweddaraf am y cam meithrin gallu, gan gynnwys argaeledd £200k o'r flwyddyn ariannol ddiwethaf a disgwylir £200k arall eleni, a fydd yn cael ei ddefnyddio i ddatblygu Cynllun Adfywio'r Barri. Rhannwyd dyraniadau cyllid cynnar gyda Llywodraeth y DU ym mis Ebrill, ac mae'r rhain wedi'u grwpio'n fras o dan themâu is-grwpiau sy'n dod i'r amlwg.

Adolygwyd y pedwar is-grŵp presennol, gyda chytundeb cyffredinol y gallai fod angen mwy o themâu i adlewyrchu cwmpas y gwaith. Roedd yr awgrymiadau yn cynnwys ffurfio grwpiau newydd i ganolbwyntio ar:

- **Digwyddiadau**
- **Ffyniant hirdymor/ Sgiliau a Chyflogaeth**
- **Cymorth i Ardaloedd o Amddifadedd**

Roedd trafodaeth am yr angen i sicrhau bod gwaith sy'n gysylltiedig â diogelwch yn cael ei ehangu y tu hwnt i ffocws ieuenctid ac yn cynnwys diogelwch cymunedol ehangach a lleihau aildroseddu. Roedd cytundeb cryf hefyd y dylai gwneud penderfyniadau a chyflawni gael eu llywio gan lens gwrth-dlodi, gyda'r potensial i ddatblygu egwyddorion arweiniol neu feini prawf ar gyfer asesu effaith.

Trafododd yr aelodau'r angen i gasglu data cadarn i lywio penderfyniadau a gwerthuso canlyniadau, yn enwedig wrth ddeall effaith ddaearyddol ar draws y Barri. Pwysleiswyd pwysigrwydd cyrraedd pobl nad ydynt fel arfer yn cymryd rhan mewn ymgynghoriadau neu gyfarfodydd ffurfiol, gyda galwad am strategaethau cyfathrebu ac ymgysylltu cynhwysol.

5. Canllawiau is-grŵp:

Nodwyd y bydd angen egluro trefniadau llywodraethu ar gyfer is-grwpiau, gan gynnwys sut mae arweinyddiaeth ac atebolrwydd yn cael eu rheoli. Cefnogaeth i'r egwyddor y dylai pob grŵp gael ymreolaeth o fewn fframwaith a rennir.

Bydd canllawiau'n cael eu datblygu a'u rhannu gyda'r Bartneriaeth.

6. Aelodaeth a syniadau is-grwpiau:

Trafodwyd maint presennol y Bartneriaeth a'i chynrychiolaeth. Awgrymodd adborth gan gyllidwyr fod angen sylfaen ehangach – gan gynnwys lleisiau busnes ac ieuenctid. Mae sawl unigolyn wedi mynegi diddordeb i ymuno, ac roedd cytundeb y dylid dilyn proses dryloyw, gan gynnwys galwad wedi'i dargedu ac o bosibl ddiwyddiad ymgysylltu â'r cyhoedd.

Roedd cefnogaeth eang i greu cyfleoedd cyfrannu i bobl nad ydynt efallai'n aelodau ffurfiol o'r bwrdd ond sydd â phrofiad bywyd neu wybodaeth leol – megis trwy Alumni y Barri neu baneli thematig. Roedd cydnabyddiaeth hefyd y bydd angen cefnogaeth ymroddedig ar bobl iau os ydynt am gymryd rhan yn ystyrllon.

Bydd y comisiwn ymgynghori cyfathrebu sy'n fyw ar GwerthwchiGymru ar hyn o bryd yn cefnogi'r dull ymgysylltu ehangach hwn ar ôl penderfynu ar y comisiwn.

Cytunwyd y byddai gweithgor bach yn mireinio strwythur yr is-grwpiau ac yn rhannu cynigion drafft ar gyfer adborth a chymeradwyaeth.

7. Trafodaeth staffio

Gohiriwyd yr eitem hon i agenda yn y dyfodol i alluogi cyfranogiad llawn gan swyddogion perthnasol.

8. Unrhyw Fusnes Arall

Rhoddwyd diweddariad ynglŷn phartner dosbarthu allweddol sydd wedi tynnu nôl o elfen marina cynllun Y Barri - Creu Tonnau Er ei fod yn siomedig, mynegwyd y farn y gallai hyn symleiddio cyflawniad a chaniatáu mwy o ffocws ar yr elfennau dan arweiniad yr awdurdod lleol. Bydd cais newid ffurfiol yn cael ei gyflwyno i Lywodraeth y DU.

9. Dyddiad y cyfarfod nesaf

I'w benderfynu